

欽定四庫全書

子部

三因極一病証方論卷十五



南京中医药大学图书馆版权所有

根於腎得之食中有虵蜉毒瘰癧漏根於心得之喜怒
哭泣浮蛆漏根於膽得之思慮瘰癧漏根於腎得之新
沐髮轉脉漏根於小腸得之驚卧失枕等因之証文義
不明未知所始若以理例較之怒根在肝鼠毒在胃食
菓疝在大腸蜂水在脾姑且通俗易曉如轉脉因驚根
當在膽却云在小腸浮蛆因思慮根當在脾却云在膽
瘰癧因沐髮亦不當在腎名義不通似難考據又況喜
怒瘰癧之名思慮浮蛆之名此尤不可曉也其外更有

風漏冷漏蝎漏蟻漏蜣螂漏蚯蚓漏蝦蟆漏等名狀不一諒皆出於土俗隨象命名難以考據治之之法觀其未著於肌肉而外為膿血者從本引末可使針之灸之敷之解之從其所因宣通本臟皆有成法千金又有決死生反其目視其中有赤脉從上貫瞳子見一脉一歲死一脉半一歲半死二脉二歲死三脉三歲死赤脉不下貫瞳子可治雖有是說驗之病者少有是証亦難考據此往往是三陽傳諸陰經方有之若非臟發未必有

是學者知之

必勝丸 治療癰不論年深日近及腦後兩邊有小結核連復數箇及癆瘵腹中有塊

鯽魚 一箇去子及腸肚入雄黃一枚如雞子大
硃砂一錢在腹內仰安魚於炭火上燒煙盡取出
以全蜈蚣一條蓬朮五錢梔子五箇皂角二挺並
燒草麻子五箇去皮燈上燒更用黃明膠二條皂
角二挺去皮酥炙

右為末別用皂角二挺去皮槌碎以水三碗揉汁去渣煮精羊肉四兩爛軟入輕粉五匣男子乳汁半兩同研為膏和藥末丸如菉豆大硃砂為衣溫酒清晨下十九日一服至脫下肉疣瘡為效若項有五箇則以五服藥取之視其所生多少以為服數既可更進數服如熱毒瘡癰未有頭腦者一服亦須消散

白花蛇散 治九漏癰癰發於項腋之間增寒發熱或痛或不痛

白花蛇

酒浸軟去皮
骨焙乾二兩

生犀角

鎊五錢

黑牽牛

五錢半
生半用

炮

青皮

五錢

右為末每服二錢膩粉五分研勻五更時糯米飲調

下已時下惡物乃瘡之根也更候十餘日再進一服

忌發風壅熱物如已成瘡一月可效用之神驗

四聖散 治癰瘰用白花蛇散取效後須用此補之永

去其根

海藻

洗

石決明

煨

羌活

瞿麥穗

各等分

右為末每服二錢米湯調下日三服下清水盡為度
蝸牛散 治癰瘰已潰未潰皆可貼

蝸牛

不拘多少以竹索串瓦上晒乾燒存性

右為末入輕粉少許猪骨髓調用紙花量病大小貼
之一法以帶殼蝸牛七箇生取肉入丁香七枚於七
殼內燒存性與肉同研成膏用紙花貼之

旱蓮子丸 治少長臟氣不平憂怒驚恐諸氣抑鬱結
聚癰瘰滯留項腋及外傷風寒燥濕飲食百毒結成

諸漏發作寒熱偏於項腋無問久近悉主之

旱蓮子 連翹子 威靈仙 何首烏 蔓荊子

京三稜

醋浸濕紙裏煨

赤芍藥

各一兩

木香

二兩

大皂角

三挺去皮

酥炙無酥

用羊脂炙

右為末糊丸桐子大建茶清下三十丸至五十丸日

三服小兒量與之食後服

癭瘤証治

夫血氣凝滯結癭瘤者雖與癰疽不同所因一也癭多

著於肩項瘤則隨氣凝結此等皆數年深遠浸大浸長
堅硬不可移者名曰石癭皮色不變即名肉癭筋脉露
結者名筋癭赤脉交絡者名血癭隨憂愁消長者名氣
癭五癭皆不可妄決破決破則膿血崩潰多致天枉瘤
者有六骨瘤脂瘤肉瘤膿瘤血瘤亦不可決潰肉瘤尤
不可治治則殺人惟脂瘤破而去其脂粉則愈

破結散 治石癭氣癭勞血癭憂癭等証

海藻

洗龍膽

海蛤

通草

昆布

礬石

煨

松蘿各三分麥麴四兩半夏

右為末酒服方寸匕日三服忌鯽魚猪肉五辛生菜
諸雜毒物十日知二十日愈

白膏 治一切風熱毒腫及臟氣鬱結丹石發動結為
癰疽瘰癧諸瘡腫未潰即令消散九漏浸淫膿汁淋
漓諸治不瘥者悉主之

白蘖 白薇 白芨 白芷 薤白各五錢洗剉以

清油一觔煎至半觔濾去渣入 黃芪 甘松

藿香 零陵香 防風 當歸各五錢 再入煎油煎

拾上火綿濾去渣再入 定粉二兩 黃蠟三兩 寒水石

煨水飛過

二兩研細

右再煎滴水成珠為度磁器盛之以腦

子少許糝其上煎時忌鐵器以柳枝攪

附骨疽証治

附骨疽與白虎飛尸歷節風皆相類歷節則走注不定白虎飛尸痛淺按之則止附骨疽痛深按之無益又一說白虎飛尸亦能作膿著骨而生及其腐潰碎骨盡出方

愈如是則附骨疽與白虎飛尸是一病但淺深不同耳
白虎飛尸俗名風煞然病附骨疽少有骨出者宣拔毒
氣不可執泥一向五香連翹漏蘆之屬當先溫腎如靈
寶膏乃神藥惟在針烙淺深刺拔其毒根則易愈不爾
則順脉流走遍體紅腫卒致不救

蟾蜍膏 治附骨疽久不瘥膿汁敗壞或骨從瘡孔出

大蝦蟆

一隻

亂髮

一把如雞子大

猪脂油

一觔

右同煎二物畧盡濾去滓凝如膏貼之凡欲貼瘡須

先以桑白皮烏豆煎湯淋洗拭乾以龍骨煨為粉糝
瘡四邊令易收然後方用膏貼

黑鯽膏 治附骨疽膿熟已破未破或膿出不愈

黑色鯽魚

一箇去腸肚入白
鹽令細線縫之

右銅石器中煮一盞水盡魚乾焦為末脂油調敷已
破則乾糝少有痛意勿怪

赤朮丸 治附骨疽膿出淋漓久久不瘥已破未破皆
可服

赤朮 一觔米泔浸三宿取出洗淨晒乾再以天

麻腐汙浸水十餘日許入川椒二十一粒葱白七

根煮黑取出洗淨焙乾 破故紙炒 川練子剉炒

茯苓 舶上茴香炒 杜茴香 白芷 桃仁去皮尖炒

各半
觔

右為末煉蜜丸桐子大每服五十丸溫酒鹽湯任下

一方 用槲樹皮燒灰為末餘方寸匕

又方 用蜜陀僧為末以猪骨髓調敷之兼治漏痔

不愈

疔瘡証治

世醫諸傷寒在諸風之前癰疽冠雜病之首言此二証重大急切然方論疔瘡又在癰疽之先其意謂急切甚矣但江左少見少病醫者不以為事病源既有不可不知且依千金類例具列於後既不能究其源亦不敢有改作一曰麻子疔肉上起頭如黍米色稍黑四邊微赤多癢忌食麻子及麻衣入麻田中行二曰石丁度因相

連色烏黑如黑豆甚硬刺之不得入肉隱隱微痛忌瓦礫碑石之屬三曰雄疔蛇頭黑靨四畔仰瘡蛇漿起有水出色黃大如錢孔忌房事四曰雌疔瘡頭稍黃向裏靨亦赤似灸病四畔蛇漿起似錢孔色赤亦忌房事五曰火疔狀如湯火燒灼瘡頭黑靨四邊有泡漿起如赤粟米忌火爍灸六曰爛疔色稍黑有白斑瘡中潰潰有濃水流瘡形大小如匙面忌食沸爛等物七曰三十六疔頭黑浮起形如黑豈四邊起大赤色今日生一明